




國家圖書館, NATIONAL CENTRAL LIBRARY, TAIWAN, P. R. C.




家務隱遺稿 全


2025/08/08 NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C





國家圖書館, NATIONAL CENTRAL LIBRARY, TAIWAN, R.O.C





霧隱朴公遺稿序

余所畏山之南有朴君行源者有志雅飭士也一日補烟
煤一沓古紙而來視曰此吾五代祖霧隱公手筆真蹟歷
百八十三年而後得於古篋中爛紙間前世配位墓所之
譜牒中或失者詳之於此而義方遺訓恍若親承面命於
當日膝下南來之蹟名村之由備知其所未知如夢初覺
其為欣幸言有所不能盡遇慶則識古之道也願予之一
言而飾喜余跪受而考其世則達官締媪朴實高陽望族
也傳稱源遠者流長始信其宏有行源於後也若其家訓
則又其上世遺書及公之實紀也修身立命之方孝友齊

國史館藏

補烟


國家圖書館, NATIONAL CENTRAL LIBRARY, TAIWAN, R.O.C



霧隱遺稿序

家之道人倫日用之常莫不畢修雖謂之小小學未爲濫
也是皆諳之以躬行心得之餘公之爲公蓋有所受矣嗚
呼及之世是何等時節天壤易處冠履倒置實天地間一
大變恠也當是時也苟有一段秉彝者孰無敵愾死難之
心况公平生以養浩氣爲主以武穆呆卿自擬其所蘊抱
可知施之於當爲之地則大可以殲滅醜虜小可以死鼓
方面而下焉不尊未得死所則豺虎千羣非隻手可搏空
以身委於兇鋒則溝瀆之諱無益於國家事於是乎呼與
其弟負親避寇南下龍城踰屯山隱於霜川之洞耕稼釣
採以養雙親以蓋天年公之孝至矣名所居而霧隱者蓋

取豹隱南山之義也噫三聘不至則孰知有莘之處士三
顧不勤則孰知南陽之匹夫然則公之遯跡空山沒世無
稱固其宜矣神州陸沉滄水旣東春秋無可讀之地悲吟
慷慨獨戴 皇明日月於一區雲山記春秋於花開葉落
終身不見清家憲書清風高節足可謂之不死之三學士
何病乎人之不知也然神慳鬼秘舊蹟重幽使一世之人
知有霧隱公者在則始信實蹟終泯他不得霧隱之名其
是無隱之識耶吁其奇矣爲今日行源計者無徒以銜耀
人之耳目爲事含憤忍痛張目掀髯長槍大劔掃清中原
之戎虜以雪前人之恥方可謂之了事方可謂之善述行




源其能之乎

崇禎後四戊子五月丁巳寧川李心傳謹序

霧隱朴公遺稿序

昔商之末微子去之比干諫死箕子佯狂夫子同稱曰三
仁以其其迹雖殊其心之至誠惻怛弗拂予愛之理則同
也哀我 明運將訖清虜闖蠻尤欲翦我臣服來圍漢都
檜精倫魄煤孽成滌當是時鄭桐溪刺腹而諫下金清陰
三學士斥和而被佯江華諸賢或焚或溺三南義士鳩旒勤
王聞媾成而罷還或幽或處凡此等人皆賤贈於 聖朝
收錄於史策見稱於秉筆君子無或漏而不聞若以夫子
之稱稱之則必應曰海東諸仁未爲不可也于時朴公諱
桂鳳以親在勢弱不得赴義忍痛含冤扶老携幼自高陽

國家圖書館, NATIONAL CENTRAL LIBRARY, TAIWAN, R.O.C



轉向清州自清南下入于方丈西屯山東占一區名之曰霧隱耕樵採漁以養二親至丙戌聞清曆始幽慨然歎曰方今神州陸沉於清變我東亦受無窮之辱况又清曆幽其不意如有一分人心孰不痛心割腸因吟曰竊山書劒老無能回首神州不忍恥旬朔豈將異曆推只從花葉節時視視彼刺腹斥和焚溺勤 王之人跡雖異而心未嘗不同噫遂于竊山子孫因而零替其實蹟數行文字今始出於古篋休紙中自丙戌迄于今一百八十三年之間寥寥未聞况於 聖朝之褒贈乎况於史之收錄乎况於秉筆君子之稱述而贊揚乎公之不幸於公無所損而志

士之齋咨謂如何哉公之來孫梓性亦志士也躬耕讀書師友知名名聞于人而不以為喜自以中世世德之茫然為終身痛博詢不已至誠感神靈根自露乃於丁亥五月初六日得公之手墨三本一則世派來歷一則入山實紀一則竊山述懷韻並序其平生心迹雖不可詳而其學問之精澁幽處分明孝友之隆摯節義之高卓奉先之誠敬貽後之謨猷即此可驗而省翁所謂一班見羣豹之文一瓣知全鼎之味者儘不誣矣吁亦危乎奇哉余嘗疑宇宙之間必有德行之為世師法者或多隱淪而味沒矣今而後知質德之未嘗終泯而顯晦之自有其時矣梓性懼夫



行源有志士也一日搜得於爛簡中執書而垂涕曰先祖
有善而不知實禮經之罪人也遂遍訪當世作者之文鋪
張其事以圖不朽斯文也佇見行人之採登諸太史之傳
可以焜耀於來世又安知不為長民者之所闡而表厥宅
里乎是實公節義之卓犖而亦由行源揚先之孝也歐陽
子有言為善無不報而時有早晚者儘不誣矣余非望公
者而樂道人善竊有慕於仰子之訓云
崇禎後四戊子南至日西河盧圭敘

雲隱朴公遺稿總目

序

小敘

卷之上

詩

歸山述懷

並序

耕釣

夢中招魂三學士

并序

文

入山紀實



述先系

卷之上

卷之下

詩

敬次不見清曆韻

敬次耕釣韻

敬次夢中拈魂三學士韻

文

謹識霧隱遺稿後

儒狀

行狀

墓碣銘

並序


跋

小識

國立中央圖書館, NATIONAL CENTRAL LIBRARY, TAIWAN, R.O.C.

卷之上下

二



霧隱朴公遺稿總目

霧隱朴公遺稿卷之上

詩

竊山述懷 並小序



霜川洞中得一平堆名其庄曰霧隱因棲息于此此翁
 何翁嗟我兄弟負兩親入此洞耕樵為粟將老是事
 崇禎己卯八月天不我弔先考之喪繼幽於先妣喪十
 七日之間竊山無助之地疊遭巨創為人子送終之節
 不得盡心有憾於千古不再之事時也命也天也奈何
 奈何因合窆考妣於山庄後不遠之地兄弟相扶晨昏
 哭墓第慰我心我慰第心荏苒歲月三霜纔過而壬午

霧隱遺稿卷上

一

一

國立中央圖書館 NATIONAL CENTRAL LIBRARY, TAIWAN, R.O.C.



霧隱朴公遺稿總目

霧隱朴公遺稿卷之上

詩

竊山述懷 並小序



霜川洞中得一平堆名其庄曰霧隱因棲息于此此翁
 何翁嗟我兄弟負兩親入此洞耕樵為粟將老是事
 崇禎己卯八月天不我弔先考之喪繼幽於先妣喪十
 七日之間竊山無助之地疊遭巨創為人子送終之節
 不得盡心有憾於千古不再之事時也命也天也奈何
 奈何因合窆考妣於山庄後不遠之地兄弟相扶晨昏
 哭墓第慰我心我慰第心荏苒歲月三霜纔過而壬午

霧隱遺稿卷上

一

一

國立中央圖書館 NATIONAL CENTRAL LIBRARY, TAIWAN, R.O.C.



八月遽哭第喪悠悠蒼天胡使我至於此極耶自今以後則所恃者晚生二男昌葉而余年已過五十矣餘年將幾何耶汝曹亂後年幼不學無識余死之後誰讀祝文而行祭汝若生男則往託於汝之表從孝則者使之受學而家有栗翁抄衷制禮一部資其講習送死奉祀勿失冢法也僻居巖山所謂科業非所可論而穀腹絲身之計不可不爲毋惰耕業也方今神州陸沉於清變我東亦受無窮之辱而况又清曆曲其不意如有一分人心者孰不腐心割腸慨然因吟

竊山書劔老無能回首神州不忍恥旬朝豈將異曆推只

從花葉節時視

耕釣

早春耕雪岸疎雨釣霜川此外復無事悠悠一老年

夢中招魂三學士

小序

見孝則遠路來訪吐芻中若干底鬱夜分乃寐翌曉孝則問曰叔主今夜之寐哭泣何也余答曰今夜夢到彼國逢洪

欽疑有尹
共二字

三義魂一場大哭聊慰三魂曰生而

死於死者榮矣因携手東還耳夢覺慨然因吟

春秋一部讀無地媒孽媾成誰舌掀前宵夢入燕城裏招返虜庭三義魂



文

入山紀實

余平日好讀孟子浩然章嘗語弟惠卿曰敬之一字爲立志之大要至於動靜云爲日用事物敬以爲主則養生焉養生則浩然之氣作是氣也是集義所生者有是氣然後自反而縮一身天地之間何所往而無是氣也何所爲而無是義也苟在富貴榮達之場而取之舍之惟以義裁之雖在患難顛沛之中而死之生之專以義決之是乃浩然之氣所使而豈非敬一字做出來乎自以謂立志之工略得其向方矣當于丙子北城大攘犯於京城雖草野微命

當於此時則必赴難致死而赤手空拳自投豺虎之中空以身爲鳥糞之啄者豈有益於爲國之誠乎雖智如武穆義如杲卿一介布衣而已則奈何奈何顧此家有兩老親若失所於亂中不得其命則爲人子不孝莫大之罪當何如哉傳聞南邊稍安陪兩老親呼弟惠卿還于清州木洞先訪族兄士信氏八月已卒諸宗咸集矜憐謂余曰宗族團會誠甚美事當此亂世人皆有我躬不閱之私無可所恃且此時團聚固非萬全莫如之南之北各執所見以保性命爲長策故畱宿數日後扶老携幼發程南下爲親聚糧盤纏雖不絕而道路人心無非強盜晝夜呼天祝吾老



人道中無患而這間集心用慮何可盡紀因到南原轉向
頭流山下路樵屯山踰嶺入霜川洞洞天開境爲人可居
故築室于此兄弟進跪兩親前曰千里長程老人筋力雖
在安閒之時易致損和而兵戈大攘之日千辛萬苦跋涉
間關天佑神助無患到此自今以後不肖兄弟俱在膝下
則耕樵爲業以供子職勿復貽慮伏望伏望因耕田得粟
釣川得魚以供親廚是可慰心而媾和消息破人肝膽禮
義吾邦誰任其咎今焉已矣永遜于此而遙望鄉山偁同
楚隔秦關消息莫憑更何言哉

崇禎戊寅霧隱居士記

述先系

朴鉉司憲料正公三品致仕高麗享年八十七事行見麗
史列傳

子文有典理佐郎歷慶州判官亦三品致仕享年九十五
子思敬典法判書兼上將軍推誠弼戴功臣享年九十三
墓在高陽孝陵西元堂里豆應村癸坐原夫人全州李
氏墓在全州

子忱元至正壬午生典儀判事麗氏運訖屏迹羅山後

國婚泛

大明建文己卯卒享年五十八

贈戶曹

判書墓在長湍舊縣南廉陵里前夫人密山君朴隣女



至正癸未生 洪武辛酉卒享年三十九生三男一女
墓在全州鳳棲山後夫人咸從郭氏生一男二女

子剛生字柔之號羅山耕叟 洪武己酉生恭讓朝庚午

集賢殿文科副提學 永樂庚子曲阜安邊壬寅六月

十八日卒于官以女莊懿嘗主贊 贈贊成墓在上將

軍墓下夫人坡平尹氏父衛尉承慶同原異壙各有表

石有遺書傳之子孫

吾本密陽寒族無所取則然而高祖鉉拜糾正而以三

品致仕老於桑梓年八十七而沒會祖文有擢第科選

典理佐郎亦三品致仕老於桑梓享年九十有五余獨

及見祖考息敬位至典法判書兼上將軍仍賜推誠翊

戴功臣四字之號吾家至是漸著矣余年十三母氏沒

祖考哀余之 缺 講學久未於達也猶免禽獸以至今日

皆祖考之賜也祖考氣質渾厚教子孫以義方待婢僕

有恩意雖至賤隸未嘗惡言而加之年亦逾九十三卒

雖不大見用於世澤及生民而足以為子孫之法也祖

宗若無積善則何以致年歲之皆逾八九十也吾知其

子孫異時以祖宗之積善餘蔭必大見於世也先人 忱

位至典儀判事年五十八卒先祖考先母氏密山君

朴公隣之女章敬公柳墩之外孫也密山君左代言兼



諫大夫允文之子也生三子一女年三十九而卒先人又娶郭氏生一子二女

余氣稟昏濁而又早不好學推頹己甚晚欲學之身心已轉倒肢臂終無以得聞聖學之萬一耳是豈昧於施爲無可取則汝曹好讀聖經賢傳必孝於親忠於君睦於族人非善不交物非義不取以顯父母也

兄弟者異形同氣死生若樂無適而不相須者也詩曰死喪之威兄弟孔懷原隰哀矣兄弟求矣又曰妻子好合如鼓瑟琴兄弟既翕和樂且湛又曰雖有朋友况也永歎然則妻子朋友易得者也世人爲妻子之養爭一

口奴婢見於色甚者織成虛咎詈罵訟庭至親反爲仇讎不祥莫大於此也汝曹勿生鬪狼之心有酒則醕之無酒則沽之日與和樂也其有不恭不悌者則邦有憲憲

婚姻之禮舊世之始也不可不謹世人凡議婚姻先論臧獲之多位勢之極不論婿與婦之性行家法之如何耳婿苟賢也異時必富貴矣苟不肖也異時必貧賤矣婦者家之所由興替者也苟慕一時富貴而娶之彼挾其富貴輕其夫曰眼前所使皆我家之奴婢食前方丈皆我家所賜爾之名宦依我之勢夫一有暮曲夜還則



驕妬罵詈如此僮僕異日爲患庸有極乎借使依婦之勢以取富貴苟有丈夫之志者能無愧乎汝曹必察性行與家法也一與之齊終身不改婦之道也吾見名門右族一喪夫而又嫁者再喪夫而又嫁者恬不爲愧若父母存而憐女年幼無子更嫁之猶爲不可况父母沒而于孫滿堂不勝淫佚身自媒而嫁者乎女者不足論也爲丈夫者苟利財寶見失節之陋猶以爲配不以爲恥是牛馬矜裾何異哉汝子孫年雖耆艾母配失節之女女雖早喪夫無子而不更二夫以成杜氏家法若不遵我訓者則俾不得齒於宗族之列也生則必死人

道之自然也自古及今無超餘百歲而獨存者何足歎哉余與汝母歿之日無但痛哭送終之禮一依朱文公家禮母作浮屠之事窆于先祖先人之塚傍若死於遠方難以返柩從其便擇其草木叢茂土色光潤之地葬之也其類爲廬墓者一切供奉輪常辦之也

家廟爲人子報本追遠之大者也吾東方家廟之法廢已久矣雖稱名儒皆溺流俗但素饌祭之奉先之薄何以加此汝曹返魂三虞卒哭附廟小祥大祥四仲祭祀之節皆依文公家禮以時祭之

奴婢者祖宗之所遺非我之所得私也一家炊爨耕耘



之若代其勞者也苟無則汲水耕田身親之顧不恤歟
世之人急於名宦昵近權要作券與之昵於妾產以給
之嫡子本孫及爲貧賤未免炊爨之昔祖先所遺意安
在哉若其無嗣則擇其宗族中謹厚者爲養子奴婢專
與之又若嫡子孫一般也何者愛之何者惡之世人溺
於偏愛或多與之昵於後妻子孫或多給之壽夭非人
之所爲也或稱先凶而減給之祖宗之意豈若是乎諺
曰嚙其十指從可知矣子與女竟無差等乎子嗣也一
家之事宗廟之祭主之生有女而無子是猶絕嗣也其
可等視乎子孫凡有犯此數件則告于有司責其不孝

之罪奪其所給奴婢平分可也曲禮曰臨財母苟得分
無求多于孫宜刻骨也

審問一日披閱文書得此券詳其文意與筆跡乃先
人之所著也恐後世子孫不信先人之貽後懿範終
不行矣今此遺書正大公明非特吾曹之所法也故
不忍湮沒既正書之又帖連草券而跋其端云

子切問 洪武庚午生永樂辛卯文科權知校書正字是

年七月二日卒享年二十二以子恭孝公貴 贈左贊

成墓在副提學公墓最下夫人高麗王氏顯宗十三世
孫父永福君鬲與夫入有床石

子大孫兵馬節度使夫人安東權氏父贊成暹墓在中和頂異山庚坐原

子桓成均生員墓在長湍廉陵里酉坐夫人南原尹氏父許衡祖文孝公孝孫墓與公同原

子聖烈字盛諤行豐基縣監墓在高陽南元堂里午坐夫人東萊鄭氏進士弘之女與公合窆

子翁字子春察奉少與三從兄江叟先生講論心學先生稱之曰吾春之器如孔門之瑚璉豈無有用之日乎後當己卯先生命公數致書勸於趙靜菴金自菴奇復齊諸賢謫所源源不絕以是之後退居元堂里先墓下自

號曰省菴因閉門讀書夫人咸豐李氏獻納選權之女

墓在縣監公墓下與夫人雙墳公諱日十月二日夫人

諱日十二月二十日

子廷逸初諱廷元字邦老墓在長湍舊縣南辛坐原配晉

州姜氏父尚輔墓與公上下葬公諱日十月十一日夫

人諱日四月十五日

先考諱仲字允中諱日八月四日

先妣延日鄭氏諱日七月十七日墓在霧隱村後與夫人

合窆

後於

英朝甲戌以曾孫致準
贈通政大夫掌樂院正

壬辰兵火家藏奴婢盡蕩無餘居元堂墓下當于丙子北



霧隱村公遺稿卷之上
賊大至聞南邊稍安與弟桂和奉兩老親入霜川洞

霧隱村公遺稿卷之上

霧隱村公遺稿卷之下

附錄

詩

次霧隱居士夢中招魂三學士韻

生烈士逢死烈士大聲哭處桂旗掀忠臣不愛殊方骨正
氣終還故國魂

蕭沈馬 李度中

次霧隱居士夢中招魂三學士韻

文山以後有三十大義堂堂日月掀苟非一心相契者豈
向燕獄夢携魂



霧隱村公遺稿卷之上
賊大至聞南邊稍安與弟桂和奉兩老親入霜川洞

霧隱村公遺稿卷之上

霧隱村公遺稿卷之下

附錄

詩

次霧隱居士夢中招魂三學士韻

生烈士逢死烈士大聲哭處桂旗掀忠臣不愛殊方骨正
氣終還故國魂

蕭沈馬 李度中

次霧隱居士夢中招魂三學士韻

文山以後有三十大義堂堂日月掀苟非一心相契者豈
向燕獄夢携魂



次霧隱居士不見清曆韻

扶漢竭忠諸葛死尊秦爲帝魯連恥行藏時勢殊從違就

義成仁並一視

龍集戊子四月乙未

後學 丁錫龜

次霧隱居士不見清曆韻

有明天地沒胡塵今古無窮烈士恥霧隱家中無異曆王

春花葉紀元視

崇禎四戊子秋七月既望

後學 韓永湜

次霧隱居士夢中招魂三學士韻

看詩讀得哲人志大義千秋筆舌掀霧隱山高傳美號誰

將公議弔忠魂

次不見清曆韻

休說吾東丙子年前人恥亦後人恥書生又有鉗三尺母

向燕天怒眼視

次耕釣韻

種粟雲中宙垂竿月下川不知山外曆終老 大明年

崇禎紀元後四己丑端陽

南溪 崔漸翼

敬次霧隱居士不見清曆韻

梟檜斬倫恨不能忍將清曆又添恥春秋在案王正推花

葉霜川四時視



次夢中招魂三學士韻

同氣相求遇有地靈風高義海山掀燕城不是明天下恐
挽忠魂共返魂

次耕釣韻

讀罷朝登岸饒餘夕下川 明天惟在此後人溯昔年

崇禎四己丑五月上浣

益城 許 梅

敬次霧隱居士不見清曆韻

剃頭皇曆渡江來禮義邦人鮮恥恥宿霧中惟霜竹青首
陽山色至今祝

次夢中招魂三學士韻

文物尊名已掃了乾坤却似臥房掀東溟畫鳥隨莊蝶
幕招還義士魂

次耕釣韻

爲戎先有兆披髮見伊川志士無窮病麟經二百年

崇禎甲申後百八十六年 宗後生 基樸 拜

敬次霧隱居士夢中招魂三學士韻

萬古綱常丙子掃海天無色至今掀如何做得前人夢聊
見當時四義魂

次不見清曆韻

二百紀年一太清東方臣子孰無恥花開葉落歸來節今



古傷心一體視

次耕釣韻

人初傳霧號山不變滄川人去山無語
遽然二百年
崇禎紀元後四己丑仲春

敬次霧隱居士不見清曆韻

後學 蘇光敏

霧隱初年息虎變倘非欲雪壑峒恥
皇明日月照心白
清曆何須目下視

次夢中招魂三學士韻

慷慨類成夢升枕白日欲苟非節義士
安接三忠魂

次耕釣韻

入洞塌新號霧隱卽滄川耕鑿於斯足
養老永康年

崇禎後四己丑季秋上浣

後學 李錫龜

飲泣敬次 霧隱公五世祖不見清曆韻

離親先節勢無能當日窟山蓋忍恥
二百年間追感推心
腸腐割至今視

敬次 夢中招魂三學士韻

珍重遺詩激慷慨使人毛髮竦
掀掀城西惡色若當己不
欲殊方暫着魂

敬次 耕釣韻

彷徨立古岸花葉繡霜川不改
皇明曆至今二百年



崇禎紀元後四戊子春三月癸卯五世孫吳性再拜

敬泣敬次 霧隱公五世祖不見清曆韻

北伐殲魁恨未能况開清曆壘堪恥尊周大義數聯推道
感辱孫流涕視

敬次 夢中招魂三學士韻

寤寐未忘三烈死忠歸何信底旗掀忠肝義膽易為合片
夢招還萬里魂

敬次 耕釣韻

霧暗曾耕岸霜寒舊釣川辱孫感古事含泪丙丁年
崇禎紀元後四丁亥至月戊申 五世孫梓性再拜

敬次霧隱族祖不見清曆韻

丙丁之禍尚何言霧隱翁曾心切恥山裏春秋紀菜花豈
將虜曆年年祝

次夢中招魂三學士韻

忠義當時人盡是忍令小輩舌端掀 大明天地同仇意
夢裏招還三士魂

次耕釣韻

遺風餘舊墨貞跡見霜川書劒南來後於焉二百年
崇禎紀元後四庚寅 清州嘉巖族孫宗五拜

敬次霧隱居士不見清曆韻 並小序



嗚呼清曆之凶計今一百八十三年夏自有知覺入學

後於先人膝下嘗聞尊 明據清之言曰尤翁之贊

孝宗而欲北伐者竇吾夫子春秋之大義萬古不易之

意對人未嘗不以其三復故耳熱心歎者久矣當壬寅

九月烈風從西北來激發感慨因作歷代賦以據所懷

至明末有曰肇府涕殞隆武弒害梧州痛極永曆蒼黃

又曰柳州崩塵桂林劫灰中興道消竊于丙戌其下自

敘曰噓唏一歎中國何世鄭桐溪之刺腹三學士之捐

身大義凜凜正氣堂堂今見霧隱之詩則乃丙戌也思

昔吾十六歲憤痛之心卽霧隱當其日腐割之心雖抽

詞律敢不盥手擊讀而况乎時戊子三月也

胡虜當時掃未能至今東國難忘恥桐溪霧隱不同推節
義一般詩以視

散次霧隱居士三聯詩

並小序

後生 李錫夏拜

屯山之洞有霧隱村必爲遯跡斂世之飲居而寥寥無

聞一日村君行源來示其五世祖實蹟披閱顛末卽霧

隱翁遺事也翁諱桂鳳字明卿柔幽密城世居高陽爲

幼學業嘗讀春秋與鄒傳因竊操守當丙子虜警將有

勤王之計父母在堂不忍捨去丁丑媾成痛纏皮裹挈



家南來入屯山下霜川河結茅構屋自號曰霧隱蓋得
之屯而寓之霧也自是之後耕田釣魚以養父母或月
夕徵醜賦詩已意嗚呼斯翁尊周之志孝親之行豈如
是遯跡固守乎匹夫春秋堂堂正大故步韻三絕以棄
隱德者

霜川隱士誦麟經丁丑構成萬古恥花葉 大明紀日月
虜胡頽厝不堪視

誰爲忠信尊周國和議諸臣罪大獄學士高風有惠夢生
同萬里不死魂

霧隱翁何去釣磯獨有川斯人忍痛迫流水幾年年

崇禎紀元後四己丑菊月下澣

瞳梁 崔信澤

敬次霧隱居士不見清厝韻

挑燈坐讀魯春秋欲雪燕天萬古恥葉落花開記四時不
將清厝眼前視

次夢中招魂三學士韻

不勝慷慨望燕獄穴義截然山海掀夢裏須招三學士可
憐携手返忠魂

次耕釣韻

荷鋤歸霧里帶月釣霜川忠孝傳家法俾親承享年

耳溪 尹秉國



次霧隱居士不見清曆韻

大明猶在霧雲村
悵望燕天未雪恥
花葉渾如萸莢靈春
秋旬朔箇中視

次夢中招魂三學士韻

宵中蘊蓄浩然氣
賁育當前不可掀
惟有東方三學士
行藏殊路照心魂

次耕釣韻

春來耕霧里
秋盡釣霜川
入夜歸而讀
不知戶外年

晦汕 朴海昌

次霧隱居士不見清曆韻

西山東海正何時
往返千秋義不恥
一片丹心南下翁
只將花葉霧中視

次夢中招魂三學士韻

恨不同臨大罵彼
那將象穢一排掀
同生宇宙同符義
片夢能招萬里魂

次耕釣韻

惟公耕釣處
一掬舊山川
誰送峯頭霧
渾遮彼日年

秋塘 吳俊根

次霧隱居士不見清曆韻

雷葛空樞扶漢忠
仲連其奈帝秦恥
山中花葉足春秋
時



憲書來不忍視

次夢中拾魂三學士韻

聞三學士好消息節義堂堂天欲掀萬里燕京如咫尺夢
中携手哭招魂

次耕釣韻

披霧耕山畝履霜釣石川雙親賴以養慈孝遂餘年

雪下 吳貞根

次霧隱居士不見清曆韻

養風清氣亘天地俛望神州難雪恥蹈海入山今古同只
將花葉驗詩規

次夢中拾魂三學士韻

三土當年又一士凜人英魄海山掀遽然夢蝶求同氣
幕相尋哭返魂

次耕釣韻

採薇霧中宙垂釣月下川山外何世界悠悠送餘年

壺山 朴在植

敬次霧隱居士不見清曆韻

高義靈風動海山隱居切齒燕天恥不看清曆記春秋至
老年年花葉祝

次夢中拾魂三學士韻



平居好讀浩然句大義堂堂四海掀携手夢中三學士或
生或死盡忠魂

文耕釣韻

種豈霧雲洞垂竿雪雨川遞世兼忠孝君親似萬年

石泉 林鍾基

飲泣敬次 八代祖霧隱公不見清曆韻

大義堂堂日月明霧藩松鹿心無恥千支六十慣于中岐
裏暮秋花葉視

敬次 夢中招魂三學士韻

盪天地者浩然氣義熟仁精誰敢掀幽處不同生或異南

來北去一般魂

敬次 耕釣韻

於此觀忠孝遺聲不絕川採薇毀鷲事可與語同年

八世孫大鎮謹稿

飲泣敬次 九代祖霧隱公不見清曆韻

皇明日月照臨新誰敢尊秦人所恥蹈海欲從天下士肯
將異曆節時視

敬次 夢中招魂三學士韻

胡天風雨振山海三士精忠天欲掀同氣相求因化夢燕
京萬里哭招魂



敬次 耕釣韻

霧暗躬耕里霜寒舊釣川孱孫對花葉追慕丙丁年

九世孫準變謹稿

飲泣敬次 九代祖霧隱公不見清曆韻

霧雲山色徇明天回首燕城不忍恥遜跡何須異曆推年
年花葉驗時視

敬次 夢中招魂三學士韻

浩然之氣亘天地炳日廿忠孰敢掀寤寐難忘三士節夢
飛燕獄哭靈魂

九世孫準寬謹稿

敬題 八世祖霧隱公遺稿後

昔魯仲連砥帝秦而高蹈東海陳萬年不受新都爵祿
而家祭用漢臘年月謝疊山聞文信國柴市消息痛哭
于西臺魏水叔以 皇明遺民築堂于翠微山中是數
君子迹雖不同義則一也嗚呼 仁廟丙子唯我 八
世祖霧隱公尊攘大義似魯仲連不見清曆似陳萬年
夢哭三學士似謝疊山入山結茅似魏水叔然孱孫零
替使此遺蹟湮沒塵箱數百年而今才登梓尚未蒙
褒揚之典策待河清人壽幾何不勝曠感

八世孫 洙彬泣血謹識



敬次 八世祖務隱公不見清曆

霜川秋水隔牕鳴欲向燕雲一酒恥書劒蹉跎成白頭聊將卉曆靜中視

敬次 夢中招三學士魂

南漢城孤日月昏悲歌欲咽怒髯掀尻輪萬里緣何事爲是堂堂烈士魂

敬次 耕釣

種黍紅霞塲垂竿白石川一區耕耨地曾是文明年玄默闢茂萋月上流

八世孫 洙彬泣血謹識

飲泣敬次 八世祖霧隱公不見清曆韻

時憲一書渡江來爲臣子者共憤恥花葉自然春復秋崇積旬朔此中視

敬次 夢中招魂三學士韻

死烈士時生烈士英靈千載尚掀掀誓心不欲留胡地一夢招還萬里魂

敬次 耕釣韻

宿霧曾耕處嚴霜舊釣川彷徨惟感古花葉自年年

八世孫 鳳鎮謹稿

飲泣敬次 九代祖霧隱公不見清曆韻



皇明日月照山村大義堂堂應不恥此外人間無所聞老
年花葉霧中視

敬次夢中招魂三學士韻

生士哭招死士返死生其義孰能掀後生感慕因登梓竹
帛千秋不死魂

敬次耕釣韻

帶月耕雲出臨風釣石川魚肥稻又熟奉老穩天年

九世孫準洙謹稿

躬耕漁採地空有一霜川孱孫惟感慕屈指丙丁年

八世孫春鎮謹稿

文

書霧隱居士遺稿後

孔子曰君子疾沒世而名不稱是固無實德之可稱也至
若有實德沒世之可稱而足以垂名於後世者又或泯沒
而不傳古已多而今亦然歟吾斯之未信及覆嗟歎考諸
傳記詩取伶人寺人之賢語有八士樂師甯武子史魚蘧
伯玉公子荆孟有百里奚牧皮泄柳申詳陳仲子匡章數
子或有不可稱以實德之名而猶舉於聖言是不泯也史
記桓譚杜預潘岳陸機庾信之文序詞賦皆無世德家風
之可稱而猶舉於陳述是不沒也况乎實德之可稱可傳



者乎然而霧隱居士朴公諱桂夙其學問忠義孝友實無愧於前輩古人而自丙子至于今二百年其名行同腐於霧隱之草木未舉於鴻儒碩士之筆未傳於孫曾雲仍之述惟霧隱尚存窮峽僻村之名只子姓零替山洞間敷之班豈非志士之慨恨者乎其五代孫梓性欲傳其世掌都文書於其宗孫窮搜舊遠篋子而居士入山事蹟始得敗故之紙宛然其實紀述懷親筆胡草也其略曰余平日好讀孟子浩然章嘗語弟惠卿曰敬之一字爲立志之大要以敬爲主則義生是義也富貴榮達取舍裁之患難顛沛生處汝之是乃浩然之氣所使而豈非敬做出來乎其學問

此可見矣丙子北賊大據犯於京城雖草野微命當於此時赴難致死赤手空拳浪投豺虎豈有益於爲國之誠乎家有兩老親若失所於亂中不得其命則爲人子不孝莫大之罪何如哉其行義與孝此可見矣自高陽塲與老幼到南原屯山內霜川洞得一平堆築室而居之霧隱而扁之己卯遭內艱又十七日又遭外艱以禮居喪壬午又哭第以禮葬祭 永曆丙戌頒清曆則曰神州陸沉我東亦受無窮之辱况又清曆幽其不意如有一分人心孰不腐心割腸因吟曰竊山書劔老無能回首神州不忍恥旬朔豈將異曆推只從花葉節時視其孝友與貞節此可見矣



幽言有章足徵於此片紙數行豈非一班見羣豹之文一
齋知全鼎之味耶實是可名於沒世必垂於後世不啻如
語孟詩書之稱傳者聖遠言陘孫替文匹如彼實見得之
名行曾不若頭流山松柏豺獾蜂蟻將四五世之遠終無
聞於文明之吾鄉史遷所謂非附青雲之士也歟幸茲實
蹟幽現於今則德之終不可泯者誠信然而勸窟鄉自修
不求之士耳其爲教亦大矣余以是忘其陋拙掛名篇端
以勉行源博求微顯闡幽君子之立言而廣之也行源梓
性之表德卽此土望人龍山門第孝己過於封股志自篤
於立脚微斯人務隱之遺書雖存於休紙亦幾乎永泯無

傳矣以余寓於隣有此先從隗始之託不敢辭其亦榮矣
哉

崇禎紀元後戊子春三月戊申省岳李錫夏謹書

敬題霧隱村公遺稿後

粵若吾夫子作春秋以詔天下萬世後之士君子砥行礪
節者或隱現不同要其歸不失春秋之義而已魯仲連先
生爲古今尊周之首倡賢人乃有蹈東海之誓漢季不綱
曹瞞泯夏管幼安作浮海之行蓋成仲連之志者也此二
子者雖不必沒性命死王事述其心事炳炳烺烺窮宇宙
不磨苟非沒於春秋之義烏能如是乎嗚呼我東方丙子北



虜之變有甚乎周漢之劫運仙源先生殺身而成仁桐溪
義士刺腹而輸諫一大臣三學士斥和殺倖矣死靡悔是
皆有得乎春秋大義而樹風聲於當世扶綱常於萬古者
也方是之時朴公諱桂鳳以高陽一寒士只切赴難之誠
不得可爲之勢公之言曰雖智如武穆義如果卿一介布
衣而已則奈何奈何委身兇鋒徒爲溝瀆之諒而無補國
家之事既莫能效忠於王室庶可以殫孝於親幃於是勇
忍痛舍寃扶老携幼自高陽而南下入于方丈霜川之洞
耕樵採漁以養雙親以終天年公之移忠爲孝吁亦至矣
名其居曰霧隱者七日豹變終未忘斯世之意耶噫寄奴
亂代元冥之遯世獨保故國之貞節金虜腥塵疊山之不
死爲供老親之頤養公之遯世於溪山養親於亂時者豈
髯乎陶謝之遺芬也腥羶一世春秋一部無地可讀而
皇明日月獨存乎霧隱一區及乎異曆之東曲慨然幽腐
心割腸之語以成一絕其大旨亦數於鄭先生只將花葉
驗時移之句蓋忠節之士所操略同也自公入山之後今
爲二百年所而入山實紀始幽於二百年之後抑公之願
晦有俟而然歟公之肖孫梓性甫得此實蹟於古篋之中
因以立言諸君子之信筆聯成一軸其三從姪基裕卽公
之宗裔而有志之士也袖來示余曰吾先祖尊王之苦節



學聖之浩氣述先系之真蹟詔後昆之嘉謨若是乎神護
觀此誠吾私門萬萬奇幸而永世珍藏也凡在士友之列
者不可無一言之識喜強余以續貂之數行顧余辭拙言
淺何敢贊揚其萬一耶然而竊觀公之平生心學本乎鄒
傳之浩氣扶得春秋之大義痛神州之陸沉隱踪跡於窮
壑始也屏其身者厥由天運之極否今焉發其文者豈非
天道之回泰乎否往泰來之機中有復卦爲之斡旋易曰
復可見天地之心余以爲公之此文將爲 明天地再新之
靈符也固不可一私門珍藏之識喜而光天下之賀也
崇禎四戊子秋七月既望 西原韓永湜謹識

謹識霧隱居士朴公遺稿後

傳曰有德者必有言言者心之聲而符於德者也由其所
養之正而隨處發之於文辭者固足以立懦激義是以
黎一言可爲百世之師澹菴尺牘能却百萬之兵者也今
見霧隱居士朴公之遺蹟始也晦於二百年前者果何歟
終焉顯於二百年後者亦何也蓋因遞世無問之意而實
關及世不朽之理也歟使人讀其書誦其詩自不覺欽歎
而景仰也噫公之家赫世冠冕開於畿湖庭訓有則門路
得正敬以立志直以養氣衆善之源百行之本從可推矣
未展所抱遭時不幸金霞再漲於中州黃橘又異於東方



公於是時一布衣耳未效朱雲之借劍空懷魯連之蹈海
既不能推鋒鏑而效忠亦可只保庭幃而終孝哉當此之
時非無臬卿武穆之智義而奈之臬卿武穆之地位何也
於是乎長吁北望恐憤南來高橋之羈旅滋甚下邳之傭
賃轉苦乘險路於屯嶺得平堆於霜川千里長湖扶携利
涉者豈非移忠爲孝而天眷神護者乎遂乃盡心供職樂
安豐之漁樵晦跡無求勤歷坂之耕稼自號霧中之隱士
永作 明家之完人吁其至矣第其實紀之嘉謨懿範無
非修齊之大方述懷之恥曆夢哭可見忠憤之至誠此可
與韓文公一言之爲師胡先生尺紙之却兵者相伯仲於

今古而所謂必有言而符於德者非耶於戲良玉韜於璞
幽蘭掩於谷若將終晦而晶光自露香氣必播然後世稱
奇珍人知異卉以公之實行高蹈閱屢世而得賢孫別蠹
塵箱詞藻不渝筆花如新宛然若璞玉之露彩谷蘭之播
馥吾知行源甫有是祖有是孫也爲後學者雖有感於是
書之晚曲不見採於行人登諸太史而亦無鴻儒碩筆之
贊揚其美者然於公則無損也何者文獻之足徵者如是
光明則公之心由斯而可得公之義從茲而可推其心即
由忠而移孝其義卽尊華而攘胡也其與刺刃絕粒之兩
大臣殺身成仁之三學士跡異而心同不早見於世者又



何足恨乎哉兩臣之節義孰如是炳炳於一世則公之節
義亦可謂炳炳也二士之忠烈又若是章章於天下則公
之忠烈亦可謂章章哉公之心始於尊華而懷夷終乃移
忠而爲孝其爲補於後世名教者果何如哉噫臨風溯跡
景仰遺墟雲裏之青山嵯峨而罷霧川上之松柏鬱蒼而
纏霜振寒孤高宛如在目始覺屯山營曲中宵霜川非復
平地其亦因人而成美者有如是夫惟其世德之闕聞遭
書之正大既在本書姑不疊床疊榻謹稽諸君子立言大筆
敘鋪得例揄揚並盡以余齒莽滅裂者誠不敢啖喙而其
在秉彝好善之意亦不敢以拙辭易而茲將繼述之義爲

行源甫勉旃云耳

崇禎四己丑五月上浣 益城許 栴謹書

敬題霧隱朴公遺稿後

山之南有朴梓性行源甫能解文辭者也一日獲得家藏
塵篋中休紙袖來示余曰此吾五代祖霧隱公實蹟因爲
之請余記余披閱三復則其略不見清曆夢哭三忠耕釣
蒼親數三件事而尊周之義炳如日星養親之孝幽於天
賦惻隱忠魂若己當之猶歟休哉噫余亦春秋家人也慷
慨之心每發於蓄積景仰之忱自別於觀感不敢以文拙
辭乃言曰朴公諱桂鳳卽高陽人名門巨族也學在丙子



之亂義膽忠肝凜凜中欲效法穆臬卿之事而以爲隻
手空拳徒處於賊則不可謂死於國亦不得全其孝矣遂
乃扶老携幼自北而至灤城南瀟川洞構數間茅屋自號
曰務隱自聞構成之後歔噫歎息嘖嘖不已矢心高蹈永
遜于此而夢見三忠於燕園痛哭招魂因以東還苟無肝
膽之相透則安得寤寐憤痛慙慙相接萬里若咫尺也至
於清曆始幽則終身不見清曆惟以花開爲春葉落爲秋
採山釣水供以甘旨之養終世囂囂樂處啾啾真夫子所
謂遯世無憫者歟及其前喪後喪只間十七日而初終以
禮哭泣之哀饋粥之節靡不用極凡其孤忠至孝誠足以

感人矣噫有是哉其有孫行源也得百年後東閣之文蹟
以顯厥祖之實美而求諸士林之信筆闡幽如是微斯人
庶乎其泯沒無傳也夫余起敬其忠孝又重知君聊以記
之以俟後君子立言之旨云矣

崇禎後四己丑季秋上浣全州李錫龜謹識

題霧隱村公遺稿後

盈天地間者氣也管天地氣者理也合理氣之正而最靈
者人也載理氣之正而淑人心者春秋也近世周銅林有
言曰春秋一書持正理運正氣人生兩間苟求無負於人
道安得不聞教于春秋夫天柱賴之而不折地維賴之而



不缺萬古之不夜吾人之不歇其功用賢於詩書禮易遠矣凡令戴髮含齒君君臣臣父父子子夫夫婦婦長長幼幼無羽毛鱗介以居寒熱有忠孝節義以居治亂者伊誰之賜此可與知者道也天地之運自堯以降當午會之文明宏乎聖人之長有中國夷狄之遠適荒穢而奈之何拓拔魏作備於前鐵木元濫觴於後 皇明太祖高皇帝紹唐虞躋漢唐赫赫三百年基業不幾何復淪於腥膻左衽之域者已四周甲矣嗟呼履霜而堅冰至昔王安石惡看春秋斥之以斷爛朝報經筵不以進讀科目不以取士無何而徵欽 欽 北宋朝南見被髮於伊川知百年之爲戎者

不獨在古而亦在今也嗟呼儒者心術之一差其禍之酷烈不啻洪水猛獸也嗟呼百年以前春秋之義僅有存者而今則掃地矣甚至爲人物性同之說說春秋者歸之酸臭然則華夷亦無辨矣苟有一箇之士識得春秋大義則雖不讀春秋亦爲好讀書人矣湖之南有霧隱處士朴公卽其人也書好浩然章家傳栗谷經其於正理之本正氣之源已識得大頭腦矣自丙子媾成之後自北而南盡孝於親篤友於弟夢寐於三士義烈瞻詠於 皇明日月其春秋之大義不得申於天下者勢也春秋之微旨發揮於後世者志也余嘗南游柳營見有 皇明水軍都督印不



覺感泪之交頤又嘗家居見有 皇明古曆驚喜感慨細
考其中則無有今曆所謂剃頭二字乃知此二字卽剃頭
皇帝初幽者也余掩卷而歎曰不獨中國山河染汚於腥
氈犬羊之域帝王敬天授時之曆又見汚矣夫生於百年
之後見古印見古曆尚有感慨之繫而况目覩天地之翻
日月之昏者乎志士仁人之痛云如何哉余於是淺知霧
隱公入山之本志也今其公來孫梓性吾同門也吾同志
也亦吾宗也以篤孝聞以耕讀爲本業親戚鄉黨怡怡如
也吾知醴泉有源靈芝有根不可無一言之贊於諸公撰
文之後也若夫霧隱公學問之純正志節之卓犖前述備

矣不敢以涓塵之微助崇溪於明月之東海清風之西山
也而惟以理氣之說眷眷於首尾者三才之道氣發而理
乘之萬古之理事不勝氣夷狄之入帝中國非理之本然
乃氣之適然然則從今以往無地讀春秋乎爲士者善養
浩然如霧隱處士不以死生存亡存諸胷中惟窮理而明
善持氣而正心心念念恆存諸一部陽秋則忠孝雙全
之幾其在茲乎

崇禎甲申後百八十六年道德臘日己亥宗後生基穆識

書霧隱公遺稿後

霧隱村名也山在霧中而山之中朴公諱桂鳳隱居因以



名村山是方丈霜川洞時則崇禎戊寅年公之貫則密陽居則高陽也嗚呼天運極否神州陸沉大憝媾和志士含憤時則有若裂書之斥刺腹之諫而學士三人同作萬里外忠魂環霜露所墜凡有血氣者莫不敵愾而文獻足徵矣但朴公入山實紀窟山述懷破古紙一沓始幽於其二百年五世孫束閣之劫右塵箱而手澤尚新句語珍重其自高陽至濟州轉向龍城而干戈日漲道途危險扶老携幼千辛萬苦之狀昭昭如今日目擊噫天理有否泰歟人事有顯晦歟夫何忠而孝而友愛慷慨之士未免韋布不見其用徒懷忠憤不得死所耶公之所謂隻手赴敵以

肉投虎於忠於孝俱非兩全雖智如武穆義如杲卿空存編戶老死之民則奈何東陽所謂有才無命欲如何者非耶理之否處方可見矣負親南遷不以貧憂耕樵供職不甘堯不求人知身終峽裏昌黎所謂士之不於朝則山林者非耶事之晦處亦可知矣至若夢哭三忠因感成詩曰春秋一部讀無地媒孽媾成誰舌掀前宵夢入燕城裏招返虜庭三義魂又况不見清曆慨然成詩曰窟山書劔老無能回首神州不忍恥旬朔豈將異曆推只從花葉節時視一誦三歎不覺感慨推其心述其義則與梁其書刺其腹力扶綱常之大臣二而三也與自願被俘久滯燕國竟歸



城西之學士三四也殷有三仁夫子稱之跡雖殊而仁則一故也豈以其死生之異跡而不曰此心志之同歸乎有曰誰舌掀誰任其咎者真可謂筆斧之嚴討而指斥倫檜也有曰今勇已矣永遜于此者其真無意榮利不歸故鄉矢志高蹈不忌溝壑者也有曰耕田得粟釣川得魚以供親廚是可慰心者是其養體養志之俱得其道者也有曰兄弟相扶弟慰我心我慰弟心者友愛之愈篤也其奉先祀必用栗翁禮書垂戒後昆資其講習者其道脉之受正家訓之有則亦竟偶然哉考其先祖副提學公諱剛生事高麗恭讓朝號羅山耕叟公有遺書中孝於親忠於君

和兄弟謹夫婦睦宗族人非善不交物非義不取喪祭和必用朱文公家禮等戒語蓋其霧隱公平生由風韻所襲也靈芝有本醴泉有源故歟霧隱一村今存兩三家皆所不何民也誰知明天下古日月曾照此荒原蕪砌之間乎想其時事求其心跡則可謂讀春秋有地矣方其躬耕斂跡之日南州之碩士鴻儒初不知名不便流芳冀箇其自處焉不見知而無憫故歎噫古家之不幸也其苗裔零替混同於尋常百姓是祖之孫胡至此極惟朴梓性異性兩人有碩士之稱而歷抵高門聞于詞場可謂頭木有出苞古楂回春也始得先蹟傳人耳目與榮來孫爲規則此非



理之泰事之顯之時耶噫海日出而知秀夫之心宙微秀
而知伯夷之節人情之常也今見罷霧青山益無追感邈
風徘徊如見其人而霧不能隱其名山不能隱其書前湖
所謂無隱之識是耳顧余賤薄不可獻喙於諸君子立筆
之後而觀感一也不顧曼床之譏徒寓感慨之懷

崇禎紀元后四己丑仲春丙子 蘇光敏謹識

敬題 五代祖考霧隱公遺稿後

不肖孫吳性早失怙特轉移龍邑末學耕稼之業粗解詞
章之習優遊度了年近六旬矣家無祖先文獻茹恨者淺
矣今年春偶得疾月餘呻吟百藥無效故家兒作楸枰之

行求得竹漚而來且膳霧隱公實紀故乃於病中忙手披
閱卽吾五代祖考入山真蹟也念却沉吟蹶然而起盥手
跪讀則中世墓所配位譜牒中未詳者昭然詳悉而學浩
氣於鄉傳扶大義於春秋於其曲處之間從容致孝儼然
持節篇內辭意凜凜乎烈烈乎竊字宙而不應爲其子孫
者之追感謂如何哉而抑亦士君子之瞻聆詎無歎惜始
信實德雖千百載不泯也見此珍重文字而不肖之悲痛
深切者年來家禍孔慘先妣伯兄壘壘而轉移雲邑其由
來文籍都付於再從叔恩直而又遭外艱故推率無暇而
以至于今日矣何幸三從兄行源甫以龍山門弟處事精



詳以所學位土文記歸宗之意搜覓古篋得此文蹟於塵
煤之箱其或神鬼之所助耶抑亦充靈靈驗之所示耶吾
家之有三從有似乎池上之鳳毛徽斯人祖先垂後之嘉
謨卓世之節孝空歸於斷爛休紙而豈詔於零替雲仍哉
嗚呼吾昆季五六人文學從事而伯仲文章夙成爲鄉隣
知名而猶未得見此文字棄世有年九京他日告此霧隱
公實紀則兩兄墓先之感想必一節倍一節矣與從子基
裕揮泣語之曰汝是吾家宗裔等棄學業轉客東西者實
由爲親負米之誠而祖先緒業茫然莫續節節痛哭處也
汝若有志則雖在窳窳之中誠護實紀無忘祖先慮後昆

詔後世之至澤也余自知覺以後見桐翁詩心常景仰矣
述懷中慨然詩律不勉而符合尤亦深感云爾

崇禎紀元後四戊子春三月癸卯五代孫昊性泣血拜識

敬題 五代祖霧隱公遺稿後

崇禎丙戌計今一百八十二年不肖梓性於霧隱公爲五
世孫矣古篋爛紙之間始獲觀五代祖丙戌記手筆真蹟
似夢非夢心莫能定而淚不可禁矣公諱桂鳳字明卿

萬曆丙申生 崇禎甲申卒後於 英廟甲戌以孫致華

耆思 贈通政大夫刑曹參議公即贈左贊成諱翁曾孫

集賢殿副提學羅山耕叟諱剛生八世孫也世居于高陽



元堂里先隴丁當丙子北賊大至犯我畿內則公自恨布衣韋帶既莫得可爲之地則雖有武穆之智杲卿之義奈何奈何家有兩老親爲人子之職將養老是務因誓弟公栢與聚糧而博聞南邊稍安陪兩親入霜川洞扁其庄曰霧隱因爲棲息而慮後昆述允系及副提學公遺書又教入山質紀竊山述懷因以避世樵漁盡其本分而定省之節甘旨之供靡不用極天命有限違當考妣喪只十七日聞也哀毀踈釋誠心送終晝昏哭墓以闋三霜而終始靡懈非幽天誠孝而能如是乎自 皇朝淪喪之後痛憤神州之陸沉切恥 國家之燬成而寤寐思覆遂至於夢

哭三學士魂於燕城而招返獨保 皇明日月於一區霧隱花開爲春葉落爲秋而終不掛眼於剝頭清曆慨然痛心割腸以成一絕詩其個儻尊周之義炳炳若日星矣若非學浩然之氣於鄒聖宗直內之敬於義經而凡著於外者果能如是乎嗚呼我霧隱公德義詩文若是珍重切至而及不幸入之於塵篋中至今始現靈根言念此事無以爲謝罪於地下矣不肖梓性自十三歲就學於桂岳再從叔以至成人而略做科業之南之北汨沒無暇而又貧窶先考喪虞卒後以母命朝夕哭奠托兩弟而曳衰教授如干束修以供祥禫只於月朔乍來叅哭特一客子樣爾且僑



移雲色往來顛頰而及邁歎遠故結茅一間乃收拾傳來
器物曾祖考位土文券在古箱中故自欲推奉獻崇檢
閱久之有一楮毛墨沅之幅心忽欣欣然警視則乃吾五
代祖霧隱公手筆文字耳於是曷擊臨省周則向所謂入
山紀實不見清曆夢哭三學士數絕韻及述先系等文班
班然可考矣其竦惶欣豁髮髯乎若親承面命於當日膝
下朗讀三復詩可以激慷慨之懷文足以立孺頑之意雖
過訪當世秉筆立言之君子請其列於扶綱常樹世教之
書未爲不可也伏乞諸君子姑恕其子孫不學不敏之罪
而特闕其霧隱韜晦永泯之極闡其幽顯其徵次第續編

明其明春秋之義於一區雲山者而復明其明春秋之義
於國而天下也

崇禎後四丁亥五月六日掃箱越六月戊申不肖梓性泣
血拜識

敬題霧隱族祖遺稿後

余於嶺南歸路到于頭流西芝岳主人卽族人梓性甫行
源也以其案上一沓古紙含淚示余曰此吾五世祖霧隱
公手筆真蹟也古篋爛紙之間今始獲覩爲其孱仍者感
悵何如余跪受而玩其書則吾先祖糾正公以下世派來
歷生卒墓所配位及副提學公遺書與霧隱公入山實紀



龜山述懷遺詩三韻也噫高陽長湍卽吾先祖世居之地亦丘墓之鄉也壬丙兵燹之後所餘雲仍各分南北而芳先祖節度公以後中世文獻只有繼世於莘士兩譜故但知此族之流在南原不知中世德業之爲如何矣今按實紀則節度公曾孫省菴公學於族兄江叟先生而已卽以後慘其諸賢之禍辭其參奉而閉門讀書以終餘年其曾孫霧隱公當丙丁天壤易處之際雖有武穆杲卿之智義而旣莫得可爲之地則呼弟裹糧負親避伏自高陽南下龍城入于霜川洞耕釣養親以盡天年兄弟相扶晨昏哭墓以閱三霜而憤神州之陸沉痛 國家之淪和不見清

厝夢哭三患悲吟慷慨矢心高蹈自號曰霧隱蓋知省菴先生遺風餘韻及於霧隱也其孝友之隆摯幽處之分明尊王之高節若是乎堂堂正大而一百八十二年之間其本家來孫今始得見則畿湖宗族何由聞知也士林寂無公議 朝廷自然未聞嗚呼惜哉我東尊周之家不爲不多而曾不知霧隱翁在蓋由公遜世無嗣之致而亦由苗裔居峽零替之故也諸君子前述備以余拙辭不敢獻味而以子姓後生觀感自別不勝景慕之忱云爾

崇禎紀元四庚寅



儒狀

邑狀
州略
國通

伏以善論人者不於其跡而於其心古君子稱陋巷單瓢
與過門不入同道者以其心言也心既同則跡不須拘也
在昔丙丁建虜猖獗天壤易處於斯時也烈烈三學士罵
死虜庭貞忠大節日月爭光者死得其所也若夫死無其
地隱遯自靖含忿忍痛與三學士同其志節者其惟此鄉
之霧隱村公諱桂鳳乎公高陽人即集賢殿副提學羅山
耕叟諱剛生八世孫贈左贊成諱切問七世孫己卯名儒
叅奉省菴先生諱翥曾孫以忠孝世其家公平生工夫在
於養浩氣而當北虜渡江則公之言曰雖智如武穆義如

杲卿而一介布衣而已奈何奈何云則其畜積可知也以
若志節試之於可爲之地則大可以殲滅醜虜小可以死
鼓方面而旣不得其地則孟津大勢非拳土可塞豺狼千
羣非隻手可搏按劍疾視以一身空委兇鋒之下者無益
於國家事於是乎負親逃難南下龍城屯山隱於霜川之
洞耕稼釣採以養其親以盡天年則公之孝吁其至矣移
孝輸忠則何難乎見危授命耶未至澧水既東鯀城陸沉則
憤皇都之黍離痛國家之淪和而三學士城西凶聞及
於山裏則腐割心腸寤寐未忘而夢哭三忠於燕園慰以
死死者有榮因感成詩曰春秋一部讀無地煤孽媿成誰



秋

舌掀前宵夢入燕城裏招返虜庭三義魂及其清曆始幽
則終身不見清虜曆書弼戴 皇明日月於一區霜川記春
於花開葉落自作 明家之完人而因吟一絕曰竊山書劔
老無能回首神州不忍恥句朔豈將異曆推只從花葉節
時視推是心若置之於當時虜庭則舌挾風霜三學士可
以四矣何所謂論人以心者以此也因居峽裏于孫零替
年代既媿芳芬墜沒幾與草木同腐何幸其後孫有梓性
者有志雅飭士也歷百八十一年之後得其遺書於古篋
爛紙間手筆莫蹟完然可敬既有實行則泯沒他不得理
固然也歐陽公所謂爲善無不報而時有早晚者不亦信

乎以若人之貞忠孤節墜沒不彰豈非盛世之欠典乎藉
伏念好是懿德彝性所同闡幽成美政化先務敢此齊聲
仰籲伏乞舉實報管轉達 丹宸得蒙褒獎之典則聽聞
興起士林幸甚

戊子八月 日南夏幼學李錫夏 蘇秀亭 安思詰

丁錫煥 趙相煥 房麟相

崔漸翼 安思益 朴贊祜

金星白 金弼煥 盧學進

尹成鉉 蘇秀俊 張時煥

權 灂 房弼洪 盧學秀



卷之三

三

安相良 許 聽 趙翼采
鄭澤新 申達河 丁南奎
柳道行 趙昌源 李陽浩
崔錫權 金宗澤

題辭

如此忠節湮沒無聞後世之抑鬱倘復如何今式如未及
轉報退待後式何事

道內儒林呈巡相書

伏以吾夫子作春秋以詒後世萬世後之士君子砥行勵
節者或隱現不同而要其歸不失春秋之義而已在昔丙

丁建虜猖獗天壤易處于斯時也烈烈三學士罵虜庭
貞忠大節日月爭光者死得其所也若夫死無其地隱避
自靖含憤忍痛與三學士同其志節者其惟南原故霧隱
朴公諱桂鳳乎公長湍人卽集賢殿副提學羅山耕叟諱
剛生八世孫 贈左贊成諱切問七世孫己卯名賢文度
全江叟先生諱薰族曾孫省菴先生諱翁曾孫以忠孝世
其家公平生工夫任養浩氣以武穆某卿自擬則其畜積
可知也以若志節試之於可爲之地則大可以殲滅醜虜
小可以死鼓方面而既不得其地則孟津大勢非拳土可
塞豺狼子羣非隻手可搏按劔疾視以一身空委於凶鋒

卷之三

三



之下者無益於國家事於是乎負親逃難南下龍城踰屯
山隱於霜川之洞耕稼釣採以養雙親以盡天年則公之
孝吁其至矣移孝做忠何難乎且危授命耶澹水旣東鯀
威陸沉而况又清曆曲其不意腐心割腸悲吟慷慨獨戴
皇明日月於一區霜川記春秋於花開葉落終身不見
清虜曆書自作 明家之完人雖不必受性命死王事而
跡其心事炳炳烺烺竊齒不磨苟非濂於春秋之義烏能
如是乎推是心若置之於當時虜庭則舌挾風霜三學士
可以四矣上所謂士君子砥行勵節者或隱或現不同而
要其歸不失春秋之義者以此也年代旣媿芳芬溷沒發


與草木同腐何幸後孫有梓性者有志雅飭士也得其遺
書於古篋中爛紙間手筆真跡宛然可敬既有實行則泯
沒他不得理固然矣歐陽公所謂爲善無不報而時有早
晚者不亦僥乎以若人之貞忠苦節終沒不彰誠爲賊世
之欠典而士林之抑鬱故茲敢齊籲於 按節之下伏乞
採實 登聞得蒙褒獎之典則聽聞典起風教幸甚

戊子八月 日南原幼學李錫夏 光州幼學高時仁

丁錫龜 柳載龍

崔錫權 全州進士李馨萬

綾州 奇尚運 幼學崔漢皓



昌平幼學朴治洙 長城幼學金基周

鄭在玪 羅州 林漢模

長興 高瓦鎮 古阜 柳澤模

茂長 姜在郁 秦仁 朴海彥

靈巖 朴履儉 順天 李昌行

務安 金基一 與陽 申萬權

海南 李圭龍 茂朱 高哲寬

禪陽 南碩夏 任實 宋必東

康津 林龜漢 鎮安 金基炯

扶安 金魯相 長小 鄭郊濟

龍潭幼學丁宇麟 求禮幼學宣克絡

雲峯 吳懿鎮 谷城 丁弼煥

題辭

實行聞極嘉歎褒揚夏待公議事

道內儒林呈繡末書

伏以吾夫子作春秋以詔天下萬世後之士君子砥行勵節者或隱現不同而要其歸不失春秋之義而已在昔丙丁建虜猖獗天壤易處于斯時也烈烈三學士罵虜虜庭貞忠大節日月爭光者死得其所也若夫死無其地隱遯自靖含憤忍痛與三學士同其志節者其惟南原故霧隱



卷之二十一
三十一
朴公諱桂鳳乎公長湍人卽集賢殿副提學羅山耕叟諱剛生八世孫 贈左贊成諱切問七世孫己卯名贊文度公江叟先生諱薰族曾孫省菴先生諱翁曾孫以忠孝世其家公平生工夫在養浩氣而以武穆杲卿自擬則其畜積可知也以若志節試之於可爲之地則大可以殲滅醜虜小可以死鼓方面而既不得其地則孟津大勢非養士可塞豺狼千羣非隻手可搏按劒疾視以一身空委於凶鋒之下者無益於國家事於是乎負親逃難南下瀆城踰屯山隱於霜川之洞耕稼釣採以養雙親以盡天年則公之孝吁其至矣移孝做忠則何難乎見危授命耶澆水既

東離咸陸沉而况又清曆幽其不意傷心割腸悲吟慷慨獨戴 皇明日月於一區霜川記春秋於花開葉落終身不見清虜曆書自作 明家之完人雖不必受性命死王事而跡其心事炳炳烺烺窮宙不磨苟非淺於春秋之義烏能如是乎推是心若置之於當時虜庭則舌挾風霜三學士可以四矣上所謂士君子砥行勵節者或隱現不同而要其歸不失春秋之義者以此也牟代旣媿芳芬湮沒幾與草木同腐何幸後孫有梓性者有志雅飭士也得其遺書於古篋中爛紙間手筆真跡宛然可敬既有實行則泯沒他不得理固然矣歐陽公所謂爲善無不報而時有



六

早晚者不亦信乎以若貞忠苦節終沒不彰誠為賊世之
典而士林之抑鬱故茲敢齊籲於 持斧之下伏乞採實

登聞得蒙褒獎之典與起風教千萬祈懇之至

戊寅二月 日南京幼學金益煥 淳昌進士洪順觀

村奎文 幼學楊在榮

崔選禎 申澤求

金烜淇 薛澗

沈鎮恆 海南幼學李喜晚

尹景鉉 羅州 梁相冕

長城進士金堯益 金溝進士張漢奎

任實幼學吳 燁 无州進士奇東教

昌平進士鄭 澹 高逸柱

幼學高濟斗 禪陽進士李最善

谷城幼學吳啓烈 古阜進士金元錫

玉果 沈魯慶 全州幼學李原鉉


鄭在天 扶安進士李觀述

順天進士趙相浩 靈光進士李膺宇

同福幼學宋兢勉 白俊龍

題辭

卓節炳日輿論灌雷聞不勝萬萬欽歎褒揚之典另當行



商圖亦以登聞何事

通文

右文爲通諛事在官與爲士者事雖異而心則同也魯祥
藥身奮忠甘死冒白刃而若蹈平地者當官者之行志也
讀書林下見幾晦跡抱丹衷而誓不共天者義士之效節
也故處士朴桂風卽集賢殿副提學諱剛生八世孫 贈
左贊成諱切問七世孫已卯名賢文度公江夏先生諱薰
族曾孫也身值赤鼠當天壤倒懸之時撫劔疾視隻手難
鳴縮首慷慨而歎也曰大浸稽天非丸泥可封羣虎負隅
非一羊可搏扶携南下終身不見清曆獨戴 皇明日月

於一區林泉其志固盛矣然比之三學士諸先生行事之
懸絕不啻海川而用心之貞明未嘗無不同也然則若人
者可謂與三學士同其褒獎而遜矣遐士尚未闡揚此則
吾士林之責也以今并三日 貴坊僉員來會于古龍院
夏呈于管邑轉作排 雲之行幸甚

甲子八月 日鄉校發文李柄國

盧鳳吉

安宗濂

金炷淇

霧隱朴公行狀



公諱桂鳳字明卿朴氏新羅瑢源有八君分封其一曰
密城遂籍焉在麗朝糾正公諱絃貫理佐郎諱文有典法
判書諱息敬豐功盛烈有耀履史再傳諱剛生號巖山耕
叟恭讓朝官副提學有遺書爲家範生諱切問校書正字
生諱大孫兵馬節度使生諱桓生員生諱聖烈懸監寔公
高祖也曾祖諱蒼筵奉號省菴與趙靜菴金自菴奇服齋
諱賢相友善舅祖諱廷逸考諱仲 贈學樂院正妣延日
鄭氏延慶女 萬曆丙申公生於高陽元堂里平日嗜讀書
嘗誦孟子浩然章曰敬之一字爲立志之大要以敬爲主
則義生焉義生則浩然之氣作是氣也是集義所生者而

富貴榮達取舍裁之患難顛沛死生度之是乃浩然之氣
所使而其非敬一字做曲來者乎 仁廟丙子冬北虜入
寇舉國助勦公以布衣知不能參涉國論且雙親在堂自
不敢奮身討賊迺挈家南下自清州轉向龍城備經艱險
至屯山下霜川洞築室歇泊耕漁樵採以供子職及聞媾
和之報因夾意永遷於此名其庄曰霧隱己卯八月君遭
考妣喪兄弟相依以盡情文嘗夢到瀋陽逢三學士義魂
因失聲痛哭爲傷人所攪而覺之慨然有詩曰春秋一部
讀無地煤孽媾成誰舌掀前宵夢入燕城裏招返虜庭三
義魂其不見清曆詩曰竊山書劍老無能回首神州不忍



恥旬朔豈將異曆推只從花葉節時視述懷詩曰早春耕
雪岸疎雨釣霜川此外復無事悠悠一老年其風泉之息
尊攘之義發於夢寐詠嘆之餘者蓋如此此可以見公之
平生立志庶幾有得於浩然一章而自擬以武穆之智晁
卿之義者豈無以哉向使公得處廟堂則當日熊魚之取
舍必不讓於殉節諸賢而彼檜精倫媿媒孽構成者自當
恧愧而泚頰矣惜乎蘊其志抱其才不能展布其萬一扶
携遐舉有如長往不返者徒使含冤忍痛以終餘年此公
之入山實記之大略也 崇禎復辛卯卒壽僅五十六後以
孫致華耆老思 贈通政大夫刑曹叅議配淑夫人慶州

金氏永好女墓在霧隱村後先墓下雙窆長男仁昌 贈
戶曹叅判二男仁葉孫男致華同知中樞府事致成致大
長房幽致雲二房幽曾孫男世柱通德郎世標致華幽世
坪掌樂院正世文世儉世益世彬致成幽世東世俊世宗
世寵世亮致大幽世根世輝致雲幽五世孫梓性以孝聞
接拾公之筆而闡揚之厚性立石公之墓而表記之其後
載貞與順屋俱有至孝鄉黨稱之蓋公之典型未艾也今
八世孫共鎮大鎮懼夫先徽之愈久而愈泯以公之詩文
若干及先輩之爲公敘述者圖所以登梓壽傳以狀德之
文謁余辛勤顧余人微言輕辭謝竟不獲強把燕筆序次



之世之立言君子詳加裁擇焉

崇禎後五壬戌春三月下泮

前秘書監郎兼弘文館侍講竹山朴海昌謹狀

霧隱朴公墓碣銘

并序

仁廟丙子之亂有殺身成仁者有遯世無悶者死生殊其義同今按朴公之狀亦近於遯世輩與公諱桂鳳字明卿新羅磬源八君分封之裔蒙密城而履朝諱鉉司憲糾正歷典理佐郎三傳忱判書見鼎運屏迹羅山子剛生入我朝副提學有遺書成家範生大孫節度使寔公六世祖高祖聖烈縣監曾祖翁號省菴與趙靜菴諸賢友善祖廷

逸考仲贈學樂院正妣延日鄭延慶女公以 萬曆丙申

月日生高陽元堂里好讀書尤嗜浩然章嘗誨弟惠卿以敬義爲主則浩然之氣作於富貴榮達取舍惟義忠難顛沛生死惟義當丙子滿清大攘歎曰雖有武穆之智杲卿之義本布韋而且兩塗在堂奈何倣疊山之事扶老携弟備經險難入南原屯山中霜川洞結茅題櫺曰霧隱漁樵耕採恭修于職風樹之憶荐酷兄弟扶慰晨昏哭慕哀制盡禮及神州陸沉 國家構成之報入而時憲書幽心肝倒地慨然吟慰曰竊山書劔老無能回首神州不忍恥旬朔豈將異曆推只從花葉節時視又夢到燕京逢三學士



不覺失聲痛哭因慰携手東還而起吟曰春秋一部讀無
地媒孽辨成誰舌掀前宵夢入燕城裏招返虜庭三義
魂公之廢清曆夢三學士之詩與林白湖夢六臣鄭桐溪
花葉句不勉而契何其異哉惟斷斷一心夙夜慷慨而然
爾晚生二胤年幼不學最慮先訓失墜投栗翁抄卷祭禮
一冊資其講習慎勿壞家範也 崇禎后辛卯月日卒年
五十六 英廟甲戌以孫致華者恩 贈通政大夫刑曹
參議配淑夫人慶州金永好女墓霧隱村後先隴下未坐
雙墳長男仁昌 贈戶曹察判次男仁漢孫男致華同知
中樞府事致成致大長房曲致雲二房曲曾玄煩不錄五

世孫梓性以學術孝行著名巾公之蹟掇揚於當時立言
家而終未蒙旌 厚性樹石公墓采性病劇妻金氏灌指
得甦其後戴貞順虛父子相繼有鄆大夫譽亦公之典型
未艾今八世孫大鎮奉順虛命借金刊公遺稿庸圖壽傳
且乞性石之銘於余余雖文拙於公尊懷之義奈何遂搢
腕而爲之銘曰

維公之學鄒傳義經負親逃難疊山式聽終始 皇明春

秋家庭幸有同旨某里在邇

崇禎紀元後五壬戌三月 日

通政大夫承政院同副承旨兼 經筵參贊官春秋



館修撰官知 製教延安李最承撰

九代宗孫 準與



霧隱居士遺稿跋

世有凋儻志節之士未得位遇遭時危亂筮遯於巖叢湮
沒無聞者亘古今何限而霧隱朴公其庶乎近之歟密城
之朴派分於麗代糾正交至本朝羅山耕叟及節度公世
篤忠孝簪纓相承為高陽望族裕護搗染風韻不墜矣當
丙子北胡蹂躪我畿甸雖車澤章布義當赴急效忠而
公以雙老在堂省養攸係誠難捐軀於王事行全忠孝矣
聞南服稍安與其弟惠卿陪護兩親而轉向於方丈西甯
川洞漁採供奉孝友操履儘不讓於古君子懸遯自靖之
義而述懷竊山有夢哭三義魂及節視花葉等詩歌編其



青昧忠憤之息慨然養於著作與林白湖之夢六臣鄭桐
溪之驗花葉辭義略同氣韻相符所以帶方先輩之相繼
贊歎而揀揚也噫世守山樊門戶零替詳其先德者漸鮮
矣公之八世孫大鎮懼夫祖先之咳唾瓊琬愈久而愈泯
殫誠罄力將謀刊行忠欲壽傳其筆迹尊華之志節請余
有記屢辭以人微文拙而顧今亦寄於此世此山不能無
曠世相感遂書此于卷末

玄默閣茂仲春下浣丹城金澤柱謹書

刊務隱公遺稿小識

嗚呼我八世祖霧隱公狀德歷詳於外史氏立言之筆其
先柔自裁於韜晦中慮後之意夏不必獻喙於其間贊揚
其萬一然但恨于孫病貧不能日讀乃上春秋猶可透皮
裏春秋亦欲庶幾發明其春秋家苗裔耳目今天下滔滔
春秋之義能由幾箇人明焉由幾箇人存焉若世無幾箇
人則將此霧隱公舊日明存之塵篇使當世觀感而能砥
行礪節立懦廉頑恐未爲失計矣所著詩文至爲寂寥然
可謂簡潔清勁而亦不妨於易傳諸後故不顧蟬蛟之力
弱借金刊行先謝吾族曾行源氏未愼之靈及秉筆君子



霧應村公遺稿卷下

敘

刊行八世孫

大鎮

校正


金馨培

期望之志而繼以激今日之欲明此義於天下者云爾
崇禎後五壬戌春三月庚戌八世孫 大鎮謹識



NATIONAL CENTRAL LIBRARY, TAIWAN, R.O.C.





國家圖書館, NATIONAL CENTRAL LIBRARY, TAIWAN, R.O.C





RECEIVED NATIONAL CENTRAL LIBRARY TAIWAN R.O.C.



國家圖書館, NATIONAL CENTRAL LIBRARY, TAIWAN, R.O.C.

